

LA PUNT



Infuormaziuns da la corporaziun evangelica Ardez - Ftan - Guarda



NOVEMBER, DECEMBER 2023 e SCHNER 2024



La legenda dal colibri tenor la cultura dals Maya

Cur cha Dieu (illa cretta dals Maya daja differents Dieus) ha creà il muond, ha'l surdat üna lezcha a mincha chosa creada. Peidras, bos-cha e bes-chas vaivan minchün üna missiun. Però cur cha Dieu ha fini da crear l'univers ha'l badà ch'alch indispensabel es gnü invlidà: Üna creatüra chi vess la lezcha da manar ils giavüschs ed impissamaints dad ün lö a tshel, nempe ün mess.

Lura ha Dieu badà ch'el nun ha plü ingün furmantun ed ingün'ardschiglia, materials culs quals ch'el ha creà tuot tshellas creatüras. In quist mumaint ha'l chattà ün toc dad üna peidra da jade e tilla ha dat la fuorma d'üna pitschna frizza. Davo ha'l soflà sur ella via, usché ch'ella es partida svolond cun gronda sveltezza. Il pitschen toc da jade d'eira dvantà ün colibri.

La legenda quinta cha la grazcha da quista creatüra til ha permiss da s'approsmar a las fluors sainza mover gnanca ün petal e cha in sias pennas han spelndurà tuot las culurs da l'Arch San Martin. Ultra dad esser ils mess da Dieu, sun ils colibris dvantats eir ils mess dals impissamaints e giavüschs umans. E perfin quels dals defunts.

Daspö quella jada as discha cha la preschentscha d'ün colibri maina furtüna e ch'inchün at giavüscha tuot il bun.



In aigna chausa:

Chi nun es amo - vuless però?

La corporaziun Ardez-Ftan-Guarda tschercha süls 1.1.2024 ün consistorial / üna consistoriala chi rapreschainta il cumün d'Ardez. Chi chi ha interess es fich bainvgnü/bainvgnüda ed as po gugent annunzchar pro *Not Armon Willy*, 079 682 44 58 o *Cilgia Florineth*, 081 864 10 07



“Täglich mit Gott” daja eir darcheu per l'on 2024

Ün bun pled per mincha di – Il chalender cuntegna üna cuorta meditaziun sur d'ün text biblic sco eir ün text litterar per mincha di. Postaziuns as poja jent far fin als **13 da november**, pro'l secretariat secretariat.pravenda@bluewin.ch o pro la ravarenda Marianne Strub, 081 862 32 61.

Predsch: Chalender frs 25.- e cudeschin frs 29.50

Occurrenzas e progets:

Il Sainin

Ils venderdis, **3 november, 1. december e 26 schner 2024** - tanter las **9.30 e las 11.00** - ha lö il Sainin illa sala cumünala ad Ardez.

Tuot ils uffants tanter 0 e 5 ons - accompagnats dad ün creschü – sun cordialmaing invidats da gnir a tadar ün'istorgia biblica, da chantar, da giovar e da star da cumpagnia.

Per ulteriuras infuormaziuns as poja contacta a rav. Marianne Strub, 081 862 23 61



La Predgina

A partir dals **29 d'october** cumainza darcheu la predgina.

L'inscunter es adüna illa **biblioteca d'Ardez da las 10 a las 11 uras**.

Infuormaziuns detagliadas daja pro las manadras:

Annina Mengiardi, 081 862 24 50 e Cilgia Koller, 079 266 90 37



Ulteriuras occurrenzas a regard noss progets vegnan publicadas sün nossa pagina d'internet e sün placats.



Meditaziun cun concert dal «Beriska Ensemble» illa baselgia da Ftan

dumengia, ils 10 december 2023 a las 17.00

Il cult divin cun plets meditativs vegn accompognà dal «Beriska Ensemble».

Cun lur chanzuns e melodias tradiziunalas da l'Ucraina giordaina celebra la 2. dumengia d'advent.




“Chant avert” cun tuns e plets illa baselgia d’Ardez

dumengia, ils 17 december 2023 a las 16.00

Cun melodias d’Advent e plets meditativs ans preparaina pels calms dis da Nadal.

La meditaziun vain manada da la ravenda Marianne Strub e da Gianna Vital-Janett.



“Vainst eir tü...” a chantar corals e canons illa baselgia d’Ardez?

trais lündeschdis: 27 da november, 4 ed 11 da december adüna a las 17.00

Cun Gianna e Flurin Vital chantaina insembel corals e canons e giodain il paschavel temp d’advent...vè er tü - gnit eir vo!

Chant tras il cumün da Ftan

Sonda, ils 23 december a las 19.30, ingon cun partenza davent dal Bügl Suot.

La populaziun es amiaivelmaing invidada da tour part al chant. P.pl. tour cun sai il coral per chantar insembel las chanzuns.



Bös-chins da las scoulas

Las infuormaziuns a regard ils bös-chins vegnan comunicadas da las scoulas a temp ütil.

Il bös-chin d’Ardez e Guarda ha lö in gövgia, ils 21 december, a las 19.00 a Guarda

ed in venderdi, ils 22 december a las 17.00 a Ftan.

Concert da Büman illa baselgia da Guarda

Lündeschdi 1. da schner 2024 a las 17.00

L’Ensemble Tamangur invida eir quist on ad ün concert cun suns e tuns d’instrumaints a corda.

Infuormaziun detagliadas as chatta suot www.ursinamariabraun.com



Bivgnaint da l’on nov illa baselgia da Ftan

Gövgia 4 schner 2024 a las 17.00

Il cult divin per beneventar l’on 2024 vegn accumpagnà dal concert «Die Zauberflöten». Miriam Cipriani, Flaviano Rossi e Stefano Sposetti sunan tocs per duos flötas a travers ed ün clavazin.



Maisas da giantar per tuots e tuottas dad Ardez e Guarda

Las prosmas maisas da giantar han lö i'l hotel Alvetern ad Ardez:

- mardi, ils 7 da november 2023
- **marcurdi**, ils 6 da december 2023
- mardi, ils 2 da schner 2024



Annunzchas, fin il plü tard il di avant, piglia incunter Erna Fontana, 081 862 23 50.

Per giasts da Guarda vegn organisà il transport.

Casualias in noss cumüns:

Battaisems:

- Edoardo Mani, 6.8.2023, illa baselgia d'Ardez

Nozzas:

- Marc e Valerie Muhmenthaler, 19.8.2023, illa baselgia da Ftan

- Ruth Flück e Martin Friedli, 16.9.2023, illa baselgia da Ftan

Mortoris:

- Theresa Brülisauer-Tragust, 23.7.2023, Ardez

- Erica Florineth-Josty, 7.9.2023, Ftan

- Guiu Sobiela-Caanitz, 8.9.2023, Ardez

- Georg Cadonau, 21.9.2023, Ardez

- Silvia Stuppan-Mendury, 1.10.2023, Ftan



Fingia hoz giavüscha il consistori e la ravarenda da la corporaziun evangelica Ardez-Ftan-Guarda a tuots e tuottas ün paschaivel temp d'advent ed ün bun on nouv plain sandà e cuntantezza!



Catedrala da San Cristóbal de Las Casas a Mexico

Foto: Marianne Strub

Adressas:

Pravenda

Dna. rav. Marianne Strub

Chasa da pravenda, 7546 Ardez

081 862 23 61

marianne.strub@gr-ref.ch

Secretariat

Corporaziun evangelica Ardez-Ftan-Guarda

Secretariat, Arfusch 166, 7546 Ardez

081 860 34 10

secretariat.pravenda@bluewin.ch



www.ardez-reformiert.ch

